

## Akugu Ma Mi Riyö 'Ba Pɔlo Zi Kanisa Ma TESALONIKA

### *Pɔlo Ileki Yëë'di*

<sup>1</sup> Ze Pɔlo ni ti Silibano ti Timatiyo, dugu waraga nime ziye kpe bilaka 'ba kanisa ma mi Tesalonika kpe ame 'deni rɔ 'ba 'bu ze Boko'ba ti ɲere ze Yësu Kurisitö ne.

<sup>2</sup> Dumötö ye, dititi 'bu ze Boko'ba ti ɲere ze Yësu Kurisitö ko'do yëyi dɔye ki'di ye kolomake ti mi këyi.

<sup>3</sup> Löndö ze ga, ma laka mo na 'do dö'bö nduwë to'do yëë'di zi Boko'ba gɔ kö'du 'be römöyi ëddike 'deni ti'di dɔye gɔ lende abo rɔ mbëmbë këddike 'deni gbï to'ɔ roye rɔ gɔ roye rɔ do kiteli.

<sup>4</sup> Gɔ kö'du mo na dëdi 'deni rɔ tubi gɔye zi bilaka 'ba kanisa mɔto ga gɔ ame gomo këdi ko'do ye pele rɔ ma kënyë kö'böke ɲgi ti'di dɔye gɔ lende 'ba Yësu ti mi këddi ne.

<sup>5</sup> Wa naga nime ileme 'deni Boko'ba ti ko'do burë 'ba bilaka pili rɔ ma kodoro. Kina bo ti koweli ye 'deni ɲgi to'bo tedi rɔ 'ba ɲere löbu abo nime, römöyi kö'du gɔ lende 'ba ɲere löbu abo nime na me ki'di këddi kombike gomo le'jete.

<sup>6</sup> Ne tine bo ti ko'do wa ɲgi pili rɔ ma kodoro. Bo ti ki'di gomo gbï ko'do bo këdi kodɔ gomo roye naga nima.

<sup>7</sup> Kina bo ti këyëyi dökï'di ye kpe ya ma ti gomo naga nima 'deni gbï koto tize. Bo ti ko'do te mi

kada ma bo kēdi kileme ɲere Yēsu 'deni tako di mītɔɔ ti malayika abo ga ame ti tigo dɔ kiteli.

<sup>8</sup> ɲere ze Yēsu ēdi kako ti pa'do kōbō todo karama dɔ ya ma kilagi Boko'ba ko'dɔkɔ dē ti'di dōnni gɔ lende 'ba laja laka abo 'ba Yēsu naga nima.

<sup>9</sup> Kina bo ti kodɔ karama mo dōnni ɔ tölē ma ɲburuɲburu. Bo ti koga lijē ɲbō yaga di ɔ bo gbī di ɔ bi kɔɔ dɔ kiteli abo ɔ ɲburuɲburu.

<sup>10</sup> Mī kada mo nima ya ame ga pili ki'di dōnni gɔ lende abo 'deni ɔ 'ba bo ga ne, ti kilēlu bo ɲgī kikali bo ɔ löbu 'ba dɔ wa pili. Kina kpe na ti kēddike gbī mī löngö ya naga nime rōmöyi i'dike dɔye 'deni gɔ lende tōnē ga diya ziye ne.

<sup>11</sup> Gɔ kö'du mo na dēdi 'deni nduwē tititi Boko'ba ze 'dɔ bo ki'di ye nduwē kö'bōke to'dɔ lende laka abo rōmöyi kpe 'ba bo ga na, bo ki'di tigo abo gbī kēdi tiye to'dɔ wa ma laka ame ga pili ko'dɔkɔke to'dɔ mo ne rōmöyi i'dike dɔye 'deni gɔ lende 'ba Yēsu.

<sup>12</sup> Ma te na ti ki'di bilaka kilēlu ɲere ze Yēsu gɔ kö'du 'be, kina lijē ti kilēlu ye gbī rōmöyi kpe 'deni ɔ 'ba bo ga. Mī këyi 'ba Boko'ba ti 'ba ɲere ze Yēsu Kurisitō na ti ko'dɔ wa naga nime.

## 2

### *Nere 'Ba Lende Kēnyē*

<sup>1</sup> Löndö ze ga, uwōke wa ma diya ziye gɔ kada 'ba tileki 'ba ɲere ze Yēsu Kurisitō ma bo kēdi kileki kako mī dōliɲɔ nime bine, kina gbī ti ame 'dɔ bo kotɔɔ ze tari tēdi ti bo ne.

<sup>2</sup> Dɔ bilaka kiya te kada mo ömō 'deni kinza ki'dike dɔye kilikö dē mī lende mo kina kinza

ki'dike dökü'di ye kombi dë gbï. Ɔdɔ komeri pele kiya te lende ma Nyi Koto Laka kileme zize na, ala lende 'ba akiyandi ze, ala pele rɔ lende ma dugu mi waraga moto ga, kinza ki'dike dɔye dë gomo.

<sup>3</sup> Kinza ki'dike boto moto ku'bölu ye dë ti lende nime, römöyï ikalike 'deni kada nima inza kömö titi gba kota ame kinza bilaka ma konzi kilagi Boko'ba gbï ti ame 'dɔ bo ma rɔ nɛre 'ba lende kënyë nima kodɔ kileme rönï zinnï. Bo na rɔ bo ma Yësu Kurisitö kedi ku'du mi pa'do 'ba Gehena.

<sup>4</sup> Ne ma dogba mo bo ti ko'dɔ kpa toga titi rɔ wa ame ga pili bilaka koro kö'bö tulömu kpenni teyi ne. Bo ti ko'dɔ rɔ bo rɔ wa ma löbu rɔ dɔ kiteli di dönni pili, kina bo ti kari kutë kitï abo mi rö löbu 'ba Boko'ba kiya rɔ bo rɔ Boko'ba.

<sup>5</sup> Omerike dë ma tönë medï tiye yayi miya kö'du 'ba wa naga nime ziye?

<sup>6</sup> Kina me ikalike 'deni wa ma kedi kota wa naga nima gba di bi to'dɔ rönni ki'di kinza bo ma rɔ nɛre 'ba lende kënyë nima kileme rönï titi zi bilaka, tine 'dɔ 'jaa nbö mi kada mo ma kigeli 'deni zi bo ne.

<sup>7</sup> Tigo abo 'ba bo nima na me kedi 'deni molo le'jete ki'di bilaka kilagi kö'du ki'di 'ba Boko'ba tine lijë ikali gomo dë. Ne bo inza kileme rɔ bo titi zi bilaka, tine 'jaa nbö ɔdɔ kiyese bo ma kedi kota bo nima 'deni yaga.

<sup>8</sup> Kina ɔdɔ bo kileme rɔ bo yɔ na nɛre Yësu kedi kako kupö bo ngi yaga ti tawo rɔ bo ki'di bi kopɔ dɔ kiteli kiyopɔ bi di rɔ bo.

<sup>9</sup> Satani na kedi koja bo nima kako dolinjɔ bine,

kina kēdī ki'di tigo ma do kiteli ngī teyi to'do lende 'ba go koto 'do tu'bōlu bilaka.

<sup>10</sup> Kina bo nima ti kindēndē bilaka ngī ro ma kēnyē. Ya ma bo kēdī kindēndē naga na ro lijē ma kilagi lende kodoro 'ba Boko'ba, go kō'du mo na Boko'ba inza kōmo lijē di mī tōlē.

<sup>11</sup> Ne kina ma 'deni tara, Boko'ba ti ki'di lijē kilikō yaga di mī kori abo lijē ki'di dōnni go wa ma ro bēti naga,

<sup>12</sup> 'do bo kodo karama do bo kinza ki'di dōnni go lende kodoro abo naga nima lijē ko'doko 'bēnni nge ro to'do wa ma kēnyē ne.

### *Ro Ma Laka Ti Nyi Koto Laka*

<sup>13</sup> Ne kpe 'beye löndö ze ga ame nere ze Yēsu ko'c ye ro mbēmbē ne, ma laka mo na zize 'do dö'bō to'do yē'di zi Boko'ba go kō'du 'be, rōmöyi Boko'ba igeli ye 'deni molo 'do kōmo ye di mī tōlē, kina me ki'dike dōye go lende laka abo nime, Nyi Koto Laka abo i'di ye 'deni ro bilaka ma laka abo ga.

<sup>14</sup> Go lende mo na ma bo ki'di ze tiya laja laka abo ziye 'do kēddike ro löbu kada moto ti nere ze Yēsu Kurisitō mitoro.

<sup>15</sup> Kina laka löndö ze ga, ö'bōke kinza ki'dike boto kilikō dōye dē, i'dike wa ma laka naga nima diyandi ye timo ne gbī kō'bō dōye. Diyandi ye 'deni ti wa naga nime kpaki mī kada ma tōnē ga dēdī tiye gbī ti waraga ma dugu ziye tōnē dogba bine ne.

<sup>16-17</sup> Nere ze Yēsu Kurisitō ti 'bu ze Boko'ba ki'di mī kēddi ziye 'do kō'bōke nburu ti lende laka. Bo c'c ze ma ze tiye ni 'deni ko'do mī keyi

zize ti togbo ze ti'di doze gomo ma bo kedi ki'di didi ma nburunburu zize.

### 3

#### *Mötu*

<sup>1</sup> Löndö ze ga, do'doko ziye 'do kititike Boko'ba gbi goze, 'do bo kokonyi ze ki'di bilaka ma konzi kuwo do lende 'ba nere ze Yesu nime gbi ti kö'du koro mo kozo 'beye tara,

<sup>2</sup> kina gbi 'do bo kitata ze di zi ya ma ro wa kenyë naga, romöyï ya moto ga edi ame lijë ko'ji akiyandi ze nime.

<sup>3</sup> Tine ma 'beye dikali 'deni ro ma laka nere ze Yesu Kurisitö inza kola kpe bilaka abo ga ro doye. Bo ti ki'di mi keddi ziye kitata ye di mi akiyari.

<sup>4</sup> Kina me bo i'di 'deni dikali ma keddike ro to'do wa ma dose gomo ziye tonë ga, ne ti kö'böke ngi nduwë to'do mo tara.

<sup>5</sup> Bo ki'di ye tö'bö tikali ako'ö abo laka, gbi 'do tombi gomo ti tigo abo 'ba Kurisitö.

#### *Tikëpi*

<sup>6</sup> Löndö ze ga, di'di kö'du ame ziye ti közi kakpa 'ba nere ze Yesu Kurisitö, 'do konyeke roye yaga di ro ya ma tikëpi naga nima mi löngö ye yayi ne, ame lijë ko'doko 'benni de tuwo do lende ma tonë ga dose gomo zinni ne.

<sup>7</sup> Kpe gbi ikalike 'deni 'do kogbake görö 'ba loma ze ma tonë doloma mi löngö ye yayi. Do'do tikëpi de,

<sup>8</sup> kina donyo wa 'ba boto de gbi ro ma sari kinza topi go bi mo teyi. Mi kada naga nima deddi

tiye yayi ne, dö'bö nduwë to'do ndoɔɔ ze ga ti közize ro ma kitigo ti tende 'ba roze kote kada pili kinza dëdi ra ro kpaɔbiri ma löbu moto ziye.

<sup>9</sup> Dëdi ngi ti közi kakpa 'ba 'do tidëki akonyo di ziye, ne tine do'do ma tara dë, go kö'du mo do'doko 'do koɔgoke di go loma ze nima go ko'doke gbï tara.

<sup>10</sup> Mi kada ma tönë ga dëdi tiye yayi ne dö'bö nduwë tiya mo ziye te, “Bo ame ko'doko dë to'do ndoɔɔ ne 'do ki'di dë konyo kpëni.”

<sup>11</sup> Diya lende nime te römöyi duwö kö'du mo ya ma tikëpi moto ga ëdi mi löngö ye yayi, ame lijë ko'doko 'bënni dë to'do ndoɔɔ, lijë kandi nge ro to'do go'de'de mi ndoɔɔ 'ba ya moto ga.

<sup>12</sup> Kina me dëdi dilende zinni bilaka naga nima ti közi kakpa 'ba nere ze Yësu Kurisitö 'do lijë kënyi to'do ndoɔɔ 'bënni ga liya to'ja akonyo 'ba kpënni timo.

<sup>13</sup> Ne kpe 'beye moto mo naga nima löndö ze ga, ziye tö'bö to'do lende laka kinza tola gomo.

<sup>14</sup> Tine odo kiya te bo moto kuwö do lende naga nime dugu bine ne dë, ziye pili 'do ti'di bo mo to nima kinda yaga, kina kinza kodoboke roye dë kpe ti bo 'do lende mo kaya ro bo.

<sup>15</sup> Ne kinza ko'doke bo dë kozo bo ya tara, tine iyandike bo ro löndö.

### *Ndose Ma Nburunburu*

<sup>16</sup> Yësu Kurisitö nere 'ba mi këyi ki'di lende këyi abo nduwë ziye ro mbëmbë bo koloma kö'bö tiye.

<sup>17</sup> Ma Pɔlo mugu mōtō nime ziye ko ti kōzō kōzō ma mugu mī waraga ma ga pili. Wa kugu ma na kōzō a nime te.

<sup>18</sup> Lende këyī 'ba ɲere ze Yēsu Kurīsītō koloma tiye pili.

**Jur Mödö**  
**Jur Modo: Ndose Kodo Laka, Buku 'ba Tisaki ni Todo**  
**to Lömu La'ja 'Ba Yësu Kurisitö Nere Ze New**  
**Testament+**

copyright © 1998 Wycliffe Bible Translators, Inc.

Language: Jur Mödö

Contributor: Wycliffe Bible Translators, Inc.

All rights reserved.

2025-04-26

---

PDF generated using Haiola and XeLaTeX on 25 Apr 2025 from source  
files dated 26 Apr 2025

4cdbc69b-5207-55d8-8df2-e743cba8dc07